



UNIVERSITÄTS-
BIBLIOTHEK
PADERBORN

Universitätsbibliothek Paderborn

**S. Avrelii Avgvstini Hipponensis Episcopi Et S. R. E.
Doctoris Vita**

Lancilottus, Corneille

Antverpiæ, 1616

Cap. XVII. Quibuscumque potest, auctor fit, vt monasticum suscipiant
institutum, quòd ex eo Ecclesia percipiat ingentia commoda.

urn:nbn:de:hbz:466:1-42857

nos circiter M. CC. fuisse approbatum, &
 à B. Augustino institutum. *Et cum inter* Lib. 3. Vi-
Regulas, ait B. Iordanus, approbatas antiqui- tas frat. c. 3.
tus, & in Decretis canonizatas S. Augusti-
ni, Basilij, & Benedicti, clarum quidem sit
Regulam S. Benedicti longè aliis duabus tem-
pore posteriorem esse, illarum tamen duarum,
quæ alteram præcesserit, non est usquequa-
que notum, cum quasi contemporanij fuerint
S. Basilij & S. Augustinus, licet ille pau-
lulum fuerit ætate maior.

CAPVT XVII.

Quibuscumque potest, auctor sit ut monasti-
cum suscipiant institutum, quòd ex eo Ec-
clesia percipiat ingentia commoda.

ANIMADVERTERAT idem sanctissimus
 Pater, hanc viuendi rationem mona-
 sticam signum esse non diuinæ prædestina-
 tionis tantum, verum etiam præcipua in-
 crementa Ecclesiæ, velut ex Martyrum san-
 guine, sic è religiosâ posse vitâ profluere.
 Hic enim crebra ieiunia, viuendi austeritas,
 prauarum affectionum victoria, aliaque id
 genus exercitia pia, cruenti vicem testimo-
 nij subeunt. Quamobrem ardentiori quan-
 tocyùs studio perfectionem hanc Euange-
 licam amplexus Augustinus, complures
 habuit suæ institutionis sequaces, quos ipse
 L 2 vicif-

*Monastica
 vita com-
 pendia.*

D. Augu-
stinus om-
nes ad Re-
ligiosum
institutum
tamquam
ad rem ma-
ximi pon-
deris cohor-
tatur.

Epist. 84.

¶ 4.

Epist. 143.

B. Deme-
trias suasu

D. Augu-
stini secu-
lū spernens
Christo nu-
bit.

Ingens Re-
ligiosa ca-
stitatis cō-
pendium.

vicissim ad eam tamquam rem maximi ponderis est cohortatus: sic enim in Epistola, quam scribit ad Hilarium: Ego qui hoc scribo, perfectionem de quā Dominus locutus est, quando ait diuiti adolescenti, *Vade, vende omnia quæ habes, &c. vehementer adamaui, & non meis viribus, sed gratiā ipsius adiuvante sic facio; & ad hoc propositum, quantis possum viribus, alios exhortor, & in nomine Domini habeo consortes, quibus hoc per meum ministerium persuasum est. Persuasit id pluribus, ac in primis nobilissimæ virgini Demetriadi, quæ dote suā in pauperes collatā, monasticam eius instinctu vitam & habitum est professa. Ita enim gratulatus Iulianæ matri eius scribit: Ministerij nostri, adiuvante gratiā Salvatoris, domus nostræ tantus fructus exortus est, ut humanis nuptiis iam paratis, S. Demetrias spirituales sponsi illius præferret amplexum, cui specioso præ filiis hominum, ad habendam spiritus uberiorem fecunditatem, nec ad amittendam carnis integritatem, virgines nubunt. Gaudeat itaque puella nobilis genere, nobilior sanctitate; quod sit per diuinum consortium precipuam in cælis consecutura sublimitatem. Est enim uberior felicitas in carne iam imitari vitam Angelorum, quàm ex carne adhuc numerum augere mortalium. Imitentur eam*

multæ

multa femine, &c. Simili ardore persuasit
Fratri Leoto perseverantiam, quem diabo-
lica quædam vexatio pænè præcipitem re-
troegerat, ut ea quæ reliquerat in sæculo
bona recuperaret. His autem verbis ad eum
utitur: Site Christi tironem profiteris, castra Epist. 38.
ne deferas, in quibus etiam edificanda turris
Euangelica. In eâ stantem, & sub armis verbi
Dei militantem, nullâ ex parte penetrare
ulle tentationes valent. Et postquam quæ-
fisset ex eo, an fortasse mater è monasticis
hibernis commemorando labores quos
pertulisset, eum reducere vellet: Hunc, ad-
dit, carnalem affectum in nobis militia Chri-
stiana ut perimamus hortatur. Habeant hæc
locum, ubi maiora non vocant. Mater Ec-
clesia, mater est etiam matris tuæ. Hæc nos de
Christo concepit, hæc Martyrum sanguine in
sempiternam lucem parturiuit. Hæc mater
toto orbe diffusa, tam variis errorum infesta-
tionibus agitur, ut abortivi iam filij eius
aduersus eam infestis armis belligerare non
dubitent. Torpore etiam quorundam quos
gremio continet, membra sua frigescere plu-
rimis locis, & fouendis paruulis minùs idonea Laboranti
fieri dolet. Vnde nisi per alios filios, quorum matri Ec-
è numero es, iustum poscit auxilium? Huius- clesie Reli-
ne tu necessitates deferens ad carnalia matris giosi potissi-
verba conuerteris? Nonne hæc grauioribus mùm ferus
suppetias.

querelis insonat auribus? nōne hæc cariora viscera & celestia vbera ostentat? Adde viri eius susceptionem carnis, ne carnalibus inhereres, & à Verbo eterno, vniuersa quæ tibi mater impropert, ne his implicare, assumpta.

Nulla ratione Christi militiæ deferenda.

Adde contumelias, flagella, mortem, mortem autem crucis. Talibus concepte seminibus, contabescis in veterem hominem? Itane matrem terrenam non habebat Imperator tuus? Quæ tamen cū nuntiaretur celestia agenti, respondit, Quæ mihi mater, aut qui fratres? His potissimum intende, carissime frater, & tolle crucem tuam, & sequere Dominum, his te affige clavis timoris Dei, &c.

CAPVT XVIII.

Complures sibi S. Augustinus allegit, qui dein Patris sui institutum per vniuersum orbem propagant.

Lib. 9. Confess. cap. 8.

Complures Augustiniani instituti sectatores.

Is qui habitare facit vnanimes in domo, **I**consociavit Augustino Euodium, qui relietâ post Baptismum militiâ seculari, se militiæ Dei accinxit. Idem Euodius ad hæc Augustinianæ Religionis spiritualia castra inuitauit Alipium. Nam vt suprâ retulimus ex cap. 22. De ciuit. Dei, Alipius & Euodius spreto sæculo indiuidui fuere commilitones Augustini, etiam tunc cū in Italiâ degerent. In his est etiam Possidius, qui Augusti-